

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa Zaključcima Zastupničkog doma Parlamentarne skupštine Bosne i Hercegovine broj 01/a-50-1-15-57/13 od 05. decembra 2013. godine i Zaključcima Doma naroda Parlamentarne skupštine Bosne i Hercegovine br. 02-50-6-16-34,12/13 i 02-50-6-16-34,13/13 od 16. decembra 2013. godine, na prijedlog Ministarstva finansija i trezora Bosne i Hercegovine, Vijeće ministara Bosne i Hercegovine na 88. sjednici, održanoj 19. marta 2014. godine, donijelo je

## **PRAVILNIK O KORIŠTENJU SREDSTAVA ZA REPREZENTACIJU**

### **Član 1.**

#### **(Predmet Pravilnika)**

Ovim Pravilnikom reguliraju se pravo, uslovi i način korištenja sredstava za reprezentaciju u institucijama Bosne i Hercegovine, vrste reprezentacije, lica sa pravom korištenja sredstava za reprezentaciju, maksimalan iznos sredstava za reprezentaciju na godišnjem nivou, kao i obaveze institucija Bosne i Hercegovine u vezi sa korištenjem sredstava za reprezentaciju.

### **Član 2.**

#### **(Pojam reprezentacije)**

- (1) Reprezentacija je pravo na korištenje sredstava za ugostiteljske usluge uposlenih u institucijama Bosne i Hercegovine, a u vezi sa poslovima i zadacima vršenja nadležnosti i pripadajućeg djelokruga rada institucije, radi održavanja službenih i poslovnih kontakata i prijema gostiju.
- (2) S obzirom na način korištenja reprezentacija može biti eksterna i interna reprezentacija.

### **Član 3.**

#### **(Eksterna i interna reprezentacija)**

- (1) Eksterna reprezentacija podrazumijeva korištenje ugostiteljskih usluga u zemlji i inostranstvu od strane institucija Bosne i Hercegovine van službenih prostorija institucije ili u prostorijama institucija Bosne i Hercegovine kada se radi o organizaciji svečanih prijema, poslovnih sastanaka i drugih događaja za koje usluge pruža Služba za zajedničke poslove institucija Bosne i Hercegovine.
- (2) Interna reprezentacija podrazumijeva korištenje ugostiteljskih usluga u službenim prostorijama institucija Bosne i Hercegovine za koje usluge pruža Služba za zajedničke poslove institucija Bosne i Hercegovine.
- (3) Interna reprezentacija, u institucijama u kojima nije organizovano pružanje ugostiteljskih usluga od strane Službe za zajedničke poslove institucija Bosne i Hercegovine, podrazumijeva korištenje sredstava za reprezentaciju za ugostiteljske usluge koje pružaju eksterni dobavljači u službenim prostorijama institucija ili nabavkom roba za korištenje interne reprezentacije u službenim prostorijama institucije.

#### Član 4.

##### (Lica sa pravom korištenja sredstava za reprezentaciju)

- (1) Pravo na korištenje sredstava za reprezentaciju imaju sljedeća lica:
  - a) članovi Predsjedništva Bosne i hercegovine,
  - b) članovi Vijeća ministara Bosne i Hercegovine,
  - c) zamjenici ministara,
  - d) rukovodioci institucija Bosne i Hercegovine,
  - e) članovi kolegijalnih organa koji rukovode institucijama Bosne i Hercegovine,
  - f) zamjenici rukovodilaca institucija Bosne i Hercegovine
  - g) sekretari institucija Bosne i Hercegovine,
  - h) pomoćnici rukovodilaca institucija Bosne i Hercegovine,
  - i) šefovi kabineta članova Predsjedništva BiH, članova Vijeća ministara Bosne i Hercegovine, zamjenika ministara i rukovodilaca institucija Bosne i Hercegovine,
  - j) ambasadori, šefovi misija i generalni konzuli Bosne i Hercegovine.
- (2) Izuzetno od stava (1) ovog člana rukovodilac institucije može i drugim uposlenim u instituciji dodijeliti pravo na korištenje sredstava za reprezentaciju, što se regulira internim aktom institucije.

#### Član 5.

##### (Maksimalan iznos sredstava za reprezentaciju na godišnjem nivou)

- (1) Utvrđuju se maksimalni iznosi sredstava za reprezentaciju po institucijama Bosne i Hercegovine na godišnjem nivou i to kako slijedi:

<b>R.br.</b>	<b>Naziv budžetskog korisnika</b>	<b>Maksimalni godišnji iznos reprezentacije u KM</b>
<b>1</b>	<b>2</b>	<b>3</b>
1.	Predsjedništvo BiH	150.000
2.	Ministarstvo odbrane BiH uključujući i Oružane snage BiH	330.000
3.	Visoko sudsko i tužilačko vijeće BiH	30.000
4.	Ustavni sud BiH	10.000
5.	Sud BiH	20.000
6.	Tužilaštvo BiH	20.000
7.	Pravobranilaštvo BiH	7.000
8.	Ured ombudsmana za ljudska prava BiH	7.000
9.	Generalni sekretarijat Vijeća ministara BiH uključujući Kabinet predsjedavajućeg Vijeća ministara BiH	90.000
10.	Direkcija za evropske integracije BiH	25.000
11.	Ministarstvo vanjskih poslova BiH	500.000

12.	Ministarstvo vanjske trgovine i ekonomskih odnosa BiH	60.000
13.	Agencija za unapređenje stranih investicija BiH	6.000
14.	Ured za veterinarstvo BiH	6.000
15.	Memorijalni centar Srebrenica	3.000
16.	Konkurencijsko vijeće BiH	7.000
17.	Ministarstvo komunikacija i prometa BiH	60.000
18.	Direkcija za civilnu avijaciju BiH	10.000
19.	Regulatorna agencija za komunikacije BiH	15.000
20.	Ministarstvo finansija i trezora BiH	60.000
21.	Uprava za indirektno oporezivanje BiH	35.000
22.	Ministarstvo za ljudska prava i izbjeglice BiH	60.000
23.	Jedinica za implementaciju projekta izgradnje Zavoda za izvršenje krivičnih sankcija, pritvora i drugih mjera BiH	3.000
24.	Ministarstvo pravde BiH	60.000
25.	Ministarstvo sigurnosti BiH	60.000
26.	Državna agencija za istrage i zaštitu	35.000
27.	Granična policija BiH	35.000
28.	Ministarstvo civilnih poslova BiH	60.000
29.	Agencija za identifikacijska dokumenta, evidenciju i razmjenu podataka BiH	20.000
30.	Centar za uklanjanje mina u BiH	10.000
31.	Služba za zajedničke poslove institucija BiH	7.000
32.	Ured za reviziju institucija BiH	10.000
33.	Centralna izborna komisija BiH	10.000
34.	Komisija za očuvanje nacionalnih spomenika BiH	4.000
35.	Agencija za državnu službu BiH	6.000
36.	Agencija za statistiku BiH	7.000
37.	Institut za standardizaciju BiH	6.000
38.	Institut za mjeriteljstvo BiH	6.000
39.	Institut za intelektualno vlasništvo BiH	6.000
40.	Institut za akreditiranje BiH	6.000
41.	Arhiv BiH	3.000
42.	Obavještajno-sigurnosna agencija BiH	60.000
43.	Uprava za zaštitu zdravlja bilja BiH	6.000
44.	Agencija za nadzor nad tržištem BiH	6.000
45.	Agencija za sigurnost hrane BiH	6.000
46.	Fond za povratak BiH	3.000
47.	Agencija za rad i zapošljavanje BiH	6.000
48.	Ured za harmonizaciju i koordinaciju sistema plaćanja u poljoprivredi i ruralnom razvoju BiH	6.000
49.	Služba za poslove sa strancima BiH	15.000
50.	Odbor državne službe za žalbe BiH	4.000
51.	Komisija za koncesije BiH	6.000
52.	Ured za zakonodavstvo Vijeća ministara BiH	4.000

53.	Agencija za javne nabavke BiH	4.000
54.	Ured za razmatranje žalbi BiH	4.000
55.	Institut za nestale osobe BiH	6.000
56.	Agencija za osiguranje BiH	3.000
57.	Direkcija za ekonomsko planiranje BiH	6.000
58.	Institucija ombudsmana za zaštitu potrošača u BiH	4.000
59.	Ured koordinatora za reformu javne uprave BiH	4.000
60.	Agencija za poštanski promet BiH	6.000
61.	Agencija za razvoj visokog obrazovanja i osiguranje kvaliteta BiH	6.000
62.	Agencija za predškolsko, osnovno i srednje obrazovanje BiH	6.000
63.	Agencija za zaštitu ličnih podataka BiH	6.000
64.	Centar za informiranje i priznavanje dokumenata iz oblasti visokog obrazovanja BiH	6.000
65.	Državna regulatorna agencija za radijacijsku i nuklearnu sigurnost BiH	6.000
66.	Agencija za lijekove i medicinska sredstva BiH	7.000
67.	Agencija za policijsku podršku BiH	6.000
68.	Agencija za antidoping kontrolu BiH	4.000
69.	Agencija za forenzička ispitivanja i vještačenja BiH	6.000
70.	Agencija za školovanje i stručno osposobljavanje kadrova BiH	6.000
71.	Direkcija za koordinaciju policijskih tijela BiH	35.000
72.	Centralna harmonizacijska jedinica BiH	6.000
73.	Agencija za prevenciju korupcije i koordinaciju borbe protiv korupcije BiH	7.000
74.	Vijeće za državnu pomoć BiH	4.000

- (2) Rukovodilac institucije donosi interni akt kojim se utvrđuju mjesečni i godišnji iznosi sredstava za reprezentaciju u skladu sa članom 4. ovog Pravilnika i stavom (1) ovog člana.
- (3) Maksimalni iznosi sredstava za reprezentaciju po institucijama iz stava (1) ovog člana ne uključuju sredstva reprezentacije koji se finansiraju donatorskim sredstvima i realiziraju kao programi posebne namjene.

#### **Član 6.**

##### **(Novoformirane institucije)**

Institucija Bosne i Hercegovine formirana nakon stupanja na snagu ovog Pravilnika dužna je inicirati dopunu ovog Pravilnika u skladu sa procedurom utvrđenom Poslovníkom o radu Savjeta ministara Bosne i Hercegovine.

#### **Član 7.**

##### **(Planiranje sredstava za reprezentaciju)**

- (1) Svaki budžetski korisnik dužan je u zahtjevu za budžetskim sredstvima u Dokumentu okvirnog budžeta i u godišnjem budžetu sredstva za reprezentaciju institucije planirati maksimalno do iznosa sredstava za reprezentaciju utvrđenih u članu 5. stav (1) ovog Pravilnika.

(2) Izuzetno od odredbe stava (1) ovog člana, prilikom utvrđivanja Nacrta budžeta institucija Bosne i Hercegovine i međunarodnih obaveza Bosne i Hercegovine, Vijeće ministara Bosne i Hercegovine može posebnim zaključkom utvrditi proporcionalnu promjenu iznosa sredstava za reprezentaciju za sve budžetske korisnike.

#### **Član 8.**

##### **(Pravdanje troškova reprezentacije)**

Pravdanje troškova reprezentacije regulira se internim aktom institucije, a podrazumijeva dostavljanje uredne finansijske dokumentacije koja potvrđuje osnovanost nastanka troška i obrazloženje nastanka troška od strane osobe koja je koristila reprezentaciju.

#### **Član 9.**

##### **(Kontrola i praćenje troškova sredstava za reprezentaciju)**

- (1) Kontrola i praćenje troškova nastalih korištenjem sredstava za reprezentaciju uređuju se internim aktom institucije u skladu sa ovim Pravilnikom.
- (2) Za kontrolu i praćenje troškova reprezentacije u DKP mreži odgovoran je šef diplomatsko-konzularnog predstavništva.

#### **Član 10.**

##### **(Završne odredbe)**

Za realizaciju ovog Pravilnika zadužuju se institucije Bosne i Hercegovine i Ministarstvo finansija i trezora Bosne i Hercegovine.

#### **Član 11.**

##### **(Usklađivanje internih akata sa Pravilnikom)**

Obavezuju se institucije Bosne i Hercegovine da do 31. decembra 2014. godine donesu interne akte propisane ovim Pravilnikom.

#### **Član 12.**

##### **(Stupanje na snagu)**

Ovaj Pravilnik stupa na snagu danom objave u „Službenom glasniku BiH“, a primjenjivat će se od 01. januara 2015. godine.

VM broj \_\_ / \_\_  
\_\_ . \_\_ . 20\_\_ . godine  
Sarajevo

Predsjedavajući  
Vijeća ministara BiH  
**Vjekoslav Bevanda**